

欽定剿平粵匪方略

欽定勦平粵匪方略卷三百五十五 癸亥年

十月十四日 丁亥 都興阿奏言據吳全美稟稱風

聞洪逆遣人赴粵接眷同到上海欲由海沙英  
洲等處偷渡當飭遊擊彭玉把總凌國祥參將  
陳賢才舉人李銓購綫查拏九月十三日見有  
小船行駛飛速追至岸邊該船人衆登岸潛逃  
拏獲船中男婦九人解送水營經吳全美密訊

據稱姓洪名芒尙廣東花縣人係洪逆共祖堂  
兄女眷四人幼丁四口均係洪逆家屬親戚接  
往南京等語詢其另一小船供係洪逆派去接  
眷之僞職曾超李四黃亞二等所乘吳全美當  
派妥弁跟蹤緝拏務期弋獲先將現獲賊眷解  
送來營臣委員訊明後卽將該逆等正法示衆  
查總統水師吳全美督船防剿戰功屢著現當

防務喫緊之時認真梭巡盤獲奸細頗爲出力  
遊擊彭玉把總凌國祥參將陳賢才舉人李銓  
躡獲賊黨亦有微勞可否仰懇

天恩量予獎敘出自

聖裁

都興阿又奏言據總兵郭定猷稟稱探聞諫壁  
地方近山一帶由奔牛鎮來賊數千係賊酋侯

姓率領聲言前赴陸營投誠當飭各船加意防範一面派委遊擊李廷芳督帶礮船前往察看旋據都司吳連陞等稟報諫壁附近市鎮由奔牛一帶續添賊黨萬人聲稱丹陽僞英王之叔所部係查拏投誠各賊衆而來等語九月十九日果有匪黨二三千人分撲江濱吳連陞卽飭各船開礮轟擊該逆往來抗拒經我軍礮斃賊

目一名賊勢稍卻旋即繞向隄內列陣固拒正  
相持閒適副將張瀚撥船下駛與遊擊李廷芳  
同時助勦吳連陞卽飭守備梁先晃等各駕三  
板會同礮划各船傍岸迎擊該逆登時潰走我  
軍亦卽收隊等情查逆情詭譎當此沿江賊衆  
亟思擾竄之際防禦尤關緊要現今吳全美通  
飭沿江水師妥爲稽查實力嚴防奏入

上命議政王軍機大臣傳諭都興阿馮子材魁玉曰  
總兵吳全美總統水師戰功屢著此次復能留心  
訪察緝獲渠逆親族甚屬可嘉卽著都興阿飭令  
吳全美督飭在事員弁迅將在逃之僞職曾超等  
悉數弋獲盡法懲辦毋令漏網諫壁地處上游素  
爲該逆垂涎此次逆黨數千聲稱投誠旋即分撲  
江濱意圖一逞其計甚狡現在撲營之賊雖經都

司吳連陞等奮勇迎擊立時潰散而逆蹤山沒無  
常難保不再來窺伺著都興阿飭令沿江水師嚴  
加防範馮子材魁玉等督飭陸路兵勇隨時會同  
水師實力防剿毋稍疏虞

上諭內閣曰吳全美督率水師嚴防江面屢著戰功  
此次復能留心訪察緝獲洪逆親族辦事甚屬認  
真其躡緝出力之遊擊彭玉把總凌國祥參將陳



賢才舉人李銓等著都興阿奏請獎勵以昭激勸

十七日

庚寅

左宗棠奏冒富陽克復後蔣益澧所

部各營直擣杭州並調閩字五營與楚軍前營

渡江會剿漸偏清波鳳山兩門康國器魏喻義

進取餘杭蔣益澧派副將劉清亮率六營助之

僞歸王鄧洸明僞聽王陳炳汶僞朝將汪海洋

等於杭城要隘修築卡壘復嗾餘杭踞逆謝添

義等併力死守八月二十五日蔣益澧令高連陞帶所部各營進攻十里長街洋將德克碑等率各營接應水陸諸軍均抵濠邊拔椿開礮踏毀街口賊壘一座殲斬壘賊三四百名城內悍賊萬餘蠡擁而來高連陞等俟賊偪近揮兵突擊斃賊多名賊敗入城二十六日蔣益澧飭高連陞等乘勝進紮十里長街六和塔萬松嶺一

帶先占地勢俯瞰杭城而自率徐文秀等赴東  
嶽廟察看路徑諸將乘賊不覺立破賊卡三座  
斃賊數十名餘黨浮水竄去九月初六日城賊  
萬餘由江邊饅頭山等處分路來撲高連陞率  
水陸各營分路迎敵往來馳突斃悍賊數十名  
賊大敗官軍追至饅頭山斬馘三百餘名逆首  
鄧洸明等率黨回撲高連陞等督勇迎擊賊始

狂奔入城十三日該逆率黨於楊家橋紮壘一座蔣益澧飭徐文秀率勇士乘夜平之殺賊百餘名復乘勝過河攻破對岸小壘一座擒斬又數十名據生擒賊供鄧逆在饅頭山受傷逆首謝添義已在餘杭被礮轟斃其攻餘杭縣城等軍八月初九日魏喻義等各率所部分路前進連破花牌樓牛背嶺栗樹村諸卡卡賊遁去歸

併青山賊巢十二日魏喻義羅大春等分由餘杭臨安各路前進破賊卡十餘處進擣青山等處賊巢先將附近賊匪擊走復分兵繞出壘後夾攻賊衆驚潰擒斬壘賊幾盡青山一帶卡壘悉平餘賊回竄餘杭八月三十至九月初十等日魏喻義等屢擊賊於石門橋皆敗之其餘杭東南一路賊壘最多而近城之寶塔山文昌關

兩壘尤爲必爭之地八月十八日劉清亮率營  
攻城南賊壘以分其勢康國器率營急攻寶塔  
山賊壘康熊飛等分路包抄一鼓而拔殺斃悍  
賊多名二十日汪逆從杭州率黨上援康國器  
等擊敗之二十一至二十六等日官軍連破賊  
卡斬擒甚多九月初七日康國器派軍於文昌  
閣傍設伏約劉清亮等營分攻餘杭南岱門等

處賊卡以牽制之自率親兵轟擊文昌閣逆壘  
鏖戰多時斃賊無數吳光亮伏軍齊出夾攻立  
將逆壘攻克逆黨盡殲城賊出援均被擊退臣  
查杭州餘杭逆首惟鄧洸明汪海洋最爲兇狡  
陳炳汶等次之賊以杭州爲老巢以餘杭爲犄  
角均盼嘉興湖州之援而嘉湖來杭之路又在  
餘杭故官軍必先克餘杭扼截嘉湖來路而後

可合圍杭州現在蔣益澧一軍偏紮鳳山清波  
各門僅能扼其西面其餘杭一城雖已圍東南  
而北路無重兵駐紮兩城之賊仍可往來自如  
臣本擬移紮富陽後親赴餘杭酌量進紮旋因  
青陽圍解皖賊有竄浙之勢不得不暫駐嚴州  
以期上下兼顧計浙軍援皖者馬步一萬有餘  
攻杭州餘杭者水陸馬步二萬有餘此外如錢



江東岸以及富新等處在在宜防現隨臣駐嚴  
之軍不過千餘備有巨股竄入恐多罅漏當卽  
飭王沐移營守徽屬祁門王開琳分防徽屬之  
漁亭屯溪而令劉典移軍東向兼顧浙境據魏  
喻義稟報湖州之賊由武康而來似有以全力  
援杭之勢已飭蔣益澧康國器魏喻義等痛剿  
援賊並飭富陽新城分水各營加緊防守劉典

現抵績溪已派營進剿昌化於潛之賊臣惟有  
隨時相機調度務期堅城速克不敢稍失機宜  
此次出力弁勇應俟克城後彙案請獎其陣亡  
之都司陶晉陞守備邱得勝千總李長林梁楨  
祥應請

飭部從優議卹

左宗棠又奏言臣以徽州各屬兵單恐賊仍由

石太旌德糾股內犯當飭劉典一軍仍由景德  
鎮清華街一路回顧徽浙之防八月初三日劉  
典率所部各營行抵休甯分屯漁亭萬安街等  
處初七八等日青陽之賊由香口琅田竄至黃  
嶺一帶圖犯祁門初九日王開琳等率軍分路  
前進初十日馳抵鴉坑見該逆列陣田隴而栗  
樹街尾賊甚多當令賀章彬等分投迎擊王開

琳飭鄧榮達率馬步繞扼蘆林橋截其歸路斃賊約數百名追至琅田沿途斬馘頗多是役共斃賊千名生擒一百七十餘名內有僞朝將陳矮子等當經訊明正法祁門北路肅清劉典聞賊圍青陽急與王開琳等會議出嶺進剿石太探聞太平古逆率黨竄至橫潭郭村等處劉典卽派張聲恆等各營進駐黟城賊知黟縣有備

遂改向箬嶺奔竄二十一日竄至徽州之北許村地方前隊距潛口不遠劉典立率各營往剿並派都司劉敬廷先赴潛口知會總兵唐義訓率師來會二十三日該逆復竄至許村一帶分股由績溪擾及歙東石門等處二十四日唐義訓出隊豐口劉典直搗許村賊巢令知縣楊詠春等分兩路進攻槍礮排擊陣斬賊目一名賊

潰我軍兩路追殺約斃賊五六百名生擒二百  
餘名餘賊越嶺而逃據生擒賊供逆目僞金王  
僞東平王僞黃天將林天將等仍欲由徽州竄  
過江西否則由昌化入浙等語二十五日劉典  
移軍徽城次日卽與唐義訓分路進剿橫村口  
石門藍田等處股匪行抵該處賊已聞風竄歸  
旌德賊巢據劉典王開琳稟報賊之大股有由

甯國竄廣德者有由甯國入浙者均聲言欲來  
援杭恐皖事鬆而浙事日急石埭太平旌德各  
城雖有賊踞人數尙不甚多揣度賊意似欲牽  
綴上游官軍使不得悉銳東向現在曾國藩檄  
鮑超一軍由蕪湖進兵埭南陵涇縣等處檄江  
忠義席寶田李榕喻吉三朱品隆等軍由青陽  
池州進兵攻石埭太平旌德等處兵力甚厚如

果嶺外肅清則皖軍攻廣德建平以扼東壩浙  
軍由昌化於潛孝豐臨安各路進規湖州兩路  
聲氣聯絡漸偪漸近庶可制其鷗張此次劉典  
援皖援江復由江右回顧皖浙各將士勞瘁異  
常王開琳老湘營固守祁門均於大局有益應  
由臣分別存記彙案保獎陣亡參將朱連彪應  
請



飭部照參將陣亡例從優議卹奏入

上命議政王軍機大臣傳諭曾國藩左宗棠李鴻章  
曰蔣益澧所部直擣杭州該藩司親督各軍攻杭  
連破城外卡壘偪紮鳳山清波兩門魏喻義等攻  
餘杭縣城亦連破花牌樓等處賊卡奪據寶塔山  
文昌閣險隘現在杭州餘杭逆首以鄧光明汪海  
洋爲最而陳炳汶次之逆謀以杭州爲老巢以餘

杭爲犄角均盼嘉興湖州之援嘉湖來杭之路必  
由餘杭自應先將餘杭攻克遏賊來路以期合圍  
杭省餘杭險要已得不難收破竹之效著卽飭魏  
喻義等迅圖攻拔湖州援杭之賊由武康一路而  
來左宗棠卽飭蔣益澧等實力痛剿無任勾合現  
在嘉湖之賊併力趨援杭郡李鴻章若由嘉善平  
湖以攻嘉興以太湖水師襲湖州爲攻瑕擣虛之

計牽制該逆使不得併力杭州則蔣益澧等可以  
攻克二城規取嘉湖該撫卽相機督剿以分賊勢  
左宗棠所奏劉典等軍截剿皖南賊匪疊獲勝仗  
訊據生擒賊供逆目僞金王等欲由徽州竄過江  
西如不能竄過卽由昌化入浙劉典現已移軍徽  
城與唐義訓分剿橫村口等處賊匪該逆遁歸旌  
德現在曾國藩檄鮑超一軍由蕪湖進兵攻南陵

涇縣等處檄江忠義等由青陽池州進兵攻石埭  
太平旌德等處左宗棠擬俟嶺外肅清皖軍攻廣  
德建平以扼東壩浙軍卽由昌化於潛孝豐臨安  
各路以規湖州兩路聲勢聯絡東南大局自可日  
有起色著曾國藩卽飭鮑超等軍實力進攻務將  
皖南各城一律肅清不得任令回竄江西並會合  
浙軍力圖攻剿廣德等處徽防緊要左宗棠飭劉

典等妥籌防勦此次杭州餘杭及皖南出力弁勇  
均著左宗棠分別存記彙案保獎其陣亡之都司  
陶晉陞守備邱得勝千總李長林梁楨祥均著交  
部從優議卹參將朱連彪著照參將陣亡例從優  
議卹

左宗棠又奏冒據浙江按察使劉典稟報九月  
十八日接到家信親父智新於八月三十日在

籍病故例應丁憂懇奏請開缺並遵員接統所  
部兵勇以便奔喪回籍等語臣查臬司劉典自  
咸豐十年隨臣討賊先後百戰靡役不從茲以  
聞計懇請開缺奔喪自應請

旨允准以慰孝思惟臬司一缺現無委署之員而劉  
典正當帶兵防皖援浙軍事緊要未可遽易生  
手非尋常奪情可比應否改爲署任俟軍務稍

定准其回籍治喪事畢赴浙仍領原部之處伏

候

訓示奏入

上諭內閣曰浙江按察使劉典自隨同左宗棠剿賊  
戰功卓著此次丁親父憂自應准其回籍治喪以  
遂孝思惟該員帶兵攻辦皖匪分剿浙逆軍務正  
當喫緊未便遽易生手劉典著改爲署任浙江按

察使俟軍務稍定再行回籍治喪事畢卽行赴浙  
統帶原部勦賊

二十日癸巳曾國藩奏言官軍攻克江東橋上方

橋後金陵城東尙有數隘未下夾河而壘戒備  
甚嚴近城者曰中和橋雙橋門七甕橋稍遠者  
曰方山土山曰上方門高橋門迤南則爲秣陵  
縣以至博望鎮係金陵之外輔曾國荃令蕭慶



衍彭毓橘蕭孚泗等擇小河紆曲之處架橋結  
筏謀分隊伍東渡立營賊已先踞河東築數壘  
抗拒蕭慶衍旋派朱吉玉等更在西岸上下游  
各修三營爲進兵之計賊復排列洋槍與我軍  
對壘轟擊九月二十日李祥和蕭慶衍等各率  
銳卒分從上下游渡河破五土壘殲賊頗衆俄  
而城賊壘賊蠭擁來爭蕭慶衍一面搶築營寨

一面揮軍環進將賊擊走遂成東岸之壘二十  
二日賊分道並出陳湜等率師東渡直搗左路  
都司熊桂林死之我軍抄過七甕橋後破賊一  
壘駐兵其中使雙橋門以東不能通城賊之氣  
蕭慶衍更率所部徑取中路曾輝日等死之各  
將士憤極速進賊乃退竄蕭慶衍以騎隊邀斷  
歸路遂克上方門高橋門雙橋門諸石壘而右

路方山土山之賊經熊登武等分道馳剿亦各棄壘而奔於是七甕橋踞賊惶遽欲遁蕭孚泗等入營扼東岸之後李臣典等五營遮西岸之前正謀前後合圍一鼓併下城中忽出大股來援張毓明等又死之蕭孚泗彭毓橘急督各軍擊退援賊仍復偪壘環攻至二十四日夜令死士潛往縱火賊衆衝煙突出乃克斯壘屠戮無

算其秣陵關南爲博望鎮賊在該鎮設卡二壘  
七八月十八日朱南桂約朱洪章等五營進小  
丹陽議襲博望十九日昧爽各軍齊抵博望卡  
下卡賊負固死守槍礮橫施猝不得進朱洪章  
俟賊稍懈昇巨礮至左卡轟斃無算武明良用  
火箭攢射右卡羣賊駭懼撲火爭竄我軍乘勢  
毀卡而壘中之賊傾巢驟至朱南桂往來猛撲

朱洪章武明良潛率哨勇繞山頭壘踰牆而登  
賊沸返顧羣壘已易官軍旗幟錯愕不知所爲  
朱南桂等遂縱兵驅賊至長流陂地方墮河溺  
斃者強半乃引軍回駐博望曾國荃以博望旣  
得則秣陵關之勢孤七甕橋旣得則中和橋之  
勢孤二十五日派趙三元伍維壽共帶馬步九  
營南略秣陵關又派陳湜黃潤昌分帶八營出

七堯橋之西與熊登武等會師於中和橋一戰  
克之秣陵關之賊見我馬步馳至卽棄壘奔潰  
各營追及河干斬賊後隊二百餘人自是紫金  
山西南無賊巢矣二十七日曾國荃親督蕭慶  
衍等往勘孝陵衛地勢將欲分營移紮朝陽太  
平兩門各出賊榻戰蕭慶衍陳湜率兵分擊蕭  
孚泗李臣典各率所部傍城抄入賊會僞護王

陳坤書指揮督陣曾國荃伏槍隊於山麓伺其  
近而擊之該會中槍墜馬賊陣遂亂俘執百數  
十人臣查金陵一城面面布置據有重險自克  
九洑洲江東橋數隘西南一面已爲我有茲又  
克七甕橋秣陵關等隘東南一面並爲我有現  
令蕭慶衍全隊進紮孝陵衛經營城北漸成合  
圍之局此次出力人員應俟續立功績彙案請

獎其力戰陣亡人員俟查明另行請卹

曾國藩又奏冒查大江南岸甯國太平以東久  
爲賊藪彭玉麟親督水師會合王可陞等陸師  
於九月杪攻克審灣等處賊壘駐師高淳湖口  
賊目楊友青乞降十月初二日收復高淳縣城  
東壩賊黨黎立新等亦卽具稟納款願爲內應  
彭玉麟知東壩一股已無固志商同鮑超率師



疾進楊岳斌亦帶師船來會旋於初七日攻克  
東壩幸仗

天威得此要隘不特皖南可冀肅清卽東至蘇州北  
至金陵攻取亦較有把握

曾國藩又奏言僞匡王賴汶鴻竄踞太平僞奉  
王古澧賈分踞石埭旌德廣德等城聚黨出掠  
久貽皖南之患自賴汶鴻爲涇軍所敗遁入甯

國而太平遂爲古澧賡分地青陽解圍後該城  
守將朱品隆疊據古澧賡遣人通款請以四城  
獻部衆之在石太者四萬有奇其在旌廣者亦  
三萬有奇悉願反正朱品隆呈明 臣處議將廣  
德撫局以鮑超任之旌德撫局以易開俊任之  
石埭太平撫局則請自任之九月十九至二十  
三等日朱品隆兩派營弁馳赴石埭宣諭降衆

先繳軍械次令薙髮分屯城下待命二十八日  
親督易潤壇等分帶四營入城受降並調太平  
江老三降衆歸併石埭挑留馬步千人編立營  
哨仍交古澧賢管帶責令立功贖罪餘則由臣  
給資遣散是日旣復石埭縣城遂於次日收復  
太平城池調喻吉三所部三營守之二十七日  
易開俊引軍進次旌德城外踞逆申法喜聞風

先遁餘黨舉城歸降易開後安撫城中盡遣降  
卒三千餘人卽分所部兩營守之臣查古濬賢  
爲賊中巨擘本屬罪不容誅一旦翻然悔悟自  
拔來歸不煩一兵而三城並下不邀寬典則無  
以開羣盜自新之路而廣

聖朝如天之仁合無額懇

天恩賞給古濬賢遊擊虛銜頂戴以昭激勸其部下

頭目及經辦招撫各將士可否容臣查明請獎之處出自

聖裁再廣德一城臣飭鮑超部下宋國永往辦招撫事宜旋有叛黨江合義申法喜等下竄尙恐事多中變現在水陸各軍已克東壩鮑超將由建平進剿廣德該州撫剿事宜已檄令相機辦理同日李鴻章奏言臣因蘇城東南兩面經程學

啟等布置扼紮均屬穩密而忠逆糾衆竄擾蘇  
錫之交前有李鶴章所部各軍追剿攻蘇各營  
正可暗抽精銳由蘇城西北橫出賊後使城賊  
與援賊氣阻膽寒當飭程學啟戈登於九月十  
九日挑派槍礮隊先攻齊門外蠡口賊營以通  
要路是夜程學啟等帶隊銜枚急進二十日候  
選道潘曾瑋亦督礮船民勇來會先派劉士奇

等各出隊漕莊口牽制城賊程學啟揮軍猛進  
賊營開礮抗拒戈登連開炸礮傷賊多名程學  
啟督軍四面環攻賊衆不支立將逆營攻毀斃  
悍賊千餘人戈登卽督兵駐守程學啟督隊進  
偪齊門適城逆糾衆來援總兵陳有昇率兵禦  
之賊衆披靡追斬千餘人程學啟戈登察看黃  
壕虎邱之交賊紮四營最扼要隘會商黃翼升

潘曾瑋各帶水陸隊伍於十月初一日往攻戈  
登派克根本攻黃埭之右自督槍隊攻黃埭之  
左程學啟派陳有昇等攻其南黃翼升督師攻  
其西潘曾瑋亦率民團礮船隨勦逆首萬國鎮  
糾衆突圍程學啟戈登督軍施放開花礮乘勢  
越濠而入手刃悍賊多名黃翼升令水師夾擊  
賊衆逃竄各軍圍殺殆盡當毀賊壘四座擒斬



二千餘人生擒僞天將萬國鎮一名僞忠王李  
秀城糾黨進踞蘇錫之交僞侍王李侍賢分踞  
無錫西北惠山一帶連營五六十里抗拒我軍  
九月十六日該逆竄踞芙蓉山二里許排隊紮  
卡周盛波督小隊擊走之連破賊卡二道擒斬  
二百餘人二十四日賊衆萬餘分撲緱山營壘  
郭松林先期設伏追逆衆圍營郭松林自後突

出賊駭而奔自相蹂踐死者無算是日忠逆由  
后宅出撲大橋角黃中元帶隊擊走之擒斬五  
六百人踏毀后宅南塘打鼓橋賊營十一座二  
十七日忠侍各逆由坊前梅村等處排隊數十  
里欲撲緱山李鶴章與劉銘傳等會商分路滾  
營前進派周盛波由興隆橋進紮與劉銘傳合  
攻坊前賊壘張樹聲由中安橋進紮與郭松林

合攻梅村芳塘橋賊壘李鶴章自督洋槍隊分  
投策應二十八日周盛波帶隊至興隆橋逆衆  
踞橋抵守周盛波擊走之斃賊甚多追至鴨城  
橋遇坊前竄賊又斬獲百餘名二十九日督營  
分紮鴨城橋侍逆率黨數萬來撲周盛波調隊  
堵擊知會郭松林由梅村進勦忠逆先已竄入  
安鎮僞武王汪有維分竄緱山郭松林督隊奮

戰張樹聲亦移營進紮中安橋張樹珊由太平  
橋抄擊生擒僞主將韋城蒿一名擒斬餘賊無  
數賊遂潰退郭松林乘勝進攻梅村西倉賊巢  
賊復分股迎拒郭松林用洋槍連環排擊立將  
梅村賊壘十餘座踏平生擒僞軍師李生香一  
名及各賊目數十名擊斃逆首唐政才擒獲賊  
衆千餘名淹斃殺斃五六千人忠逆由茅塘橋

自帶悍賊數千來援副將吳建瀛分攻西倉賊壘兼顧左路郭松林親督槍隊衝進吳建瀛攻踏西倉賊營八座又會攻茅塘橋破賊壘三座忠逆死踞石營槍礮甚密郭松林撲牆受傷遂卽收隊李鶴章解到生擒僞軍師李生香訊據供稱忠逆因金陵緊急將救金陵先救蘇錫冀調各路逆匪速解蘇圍又搜獲忠逆致無錫賊

目黃子隆陳坤書各函內有蘇杭二處不穩金陵不能解圍常錫亦成瓦解等語忠逆在賊中謀略較長彼以金陵蘇杭三城皆有官兵圍困而蘇州尤爲中權關鍵故糾衆死爭兩月以來未嘗少休屢挫之餘復率各逆圖救無錫臣督飭將士先以堅壁勿戰挫其氣繼以滾營並進遏其鋒連日疊受懲創兇醜漸衰臣已飭李鶴

章劉銘傳等穩紮穩進並令程學啟戈登由潯  
關一帶抄襲蘇錫交通之路以收夾擊之效俟  
此股援賊剿退然後分攻蘇錫當可漸次得手  
李鴻章又奏言查水師將領黃翼升前經曾國  
藩調赴臨淮現在該員自帶二營來往蘇錫之  
交四處策應李朝斌所統太湖水師船隻較少  
專顧吳江之九里湖及蘇城南面之黃天蕩等

處並隨時入太湖雕剿賊勢過重地面太寬不敷分布准楊岳斌彭玉麟咨稱前派助援臨淮之丁泗濱等戰船亟須飭調出江協剿東壩催令黃翼升卽率所部四營趕至臨淮接防等語查各路賊勢以蘇錫爲最多況蘇城六門已圍無錫官軍疊獲勝仗攻剿甚緊若於水師中抽去一枝則罅漏甚多不獨蘇錫難攻且恐忠侍



各賊乘虛內竄黃翼升淮揚水師應請暫留協  
攻俟蘇州無錫克復再飭分帶數營前往臨淮  
卽毋庸兼顧蘇滬均奏入

上命議政王軍機大臣傳諭曾國藩左宗棠李鴻章  
曰金陵官軍攻克上方橋等處賊壘並將中和橋  
秣陵關攻克擊敗出城抗拒之賊曾國荃擬令蕭  
慶衍進紮孝陵衛經營城北漸成合圍之局辦理

甚爲得手著卽令曾國荃督飭將士實力攻剿毋  
稍鬆勁古隆賢舉衆就撫收復石埭太平旌德三  
城朱品隆將降衆挑留千人編立營哨交古隆賢  
管帶責令立功贖罪著卽妥爲撫馭仍隨時留心  
防範不可稍涉大意廣德招撫事宜仍須審慎辦  
理現在水陸各軍已復東壩鮑超卽將由建平進  
剿廣德東壩爲金陵西南水陸要衝廣德爲皖浙

門戶與湖州毗連一經得手則賊之險要已失著  
曾國藩卽飭令鮑超迅速攻克廣德州並著左宗  
棠分撥兵勇會同鮑超所部進取湖州以斷杭城  
賊匪援應其東壩各軍仍由曾國藩飭令進取溧  
水溧陽金壇等處以期與李鶴章規取蘇郡之師  
漸相聯絡蘇州官軍攻克蠡口黃埭等處賊營無  
錫官軍攻勦安鎮等處援賊連獲大勝李鴻章現

飭程學啟等由潯關一帶抄襲蘇錫交通之路著  
卽飭令該營將士將此股援賊合力剿退以期分  
攻蘇錫漸次得手現在官軍屢次獲捷一切攻剿  
事宜尤須慎之又慎不可恃勝而驕李鴻章務當  
督飭諸將謀定後進毋稍輕率李鴻章所部水師  
本形單弱分路防剿不敷應用現當蘇錫攻剿喫  
緊之時黃翼升所統水師船隻准其留於該處以

資得力

上諭內閣曰金陵官軍疊克東南八隘並收復秣陵  
關剿辦甚爲奮勉仍著曾國藩督飭水陸各軍乘  
此聲威相機進剿規復金陵所有出力人員著曾  
國藩查明存記彙案請獎力戰陣亡各員著一併  
查明請卹

上又諭內閣曰皖南官軍自解青陽之圍軍威大振

古隆賢等率衆投誠九月二十八日朱品隆督軍  
受降當將石埭縣城收復並復太平縣城其旌德  
縣城亦經總兵易開俊引軍收復降入古隆賢悔  
罪輸誠獻城反正自當寬其既往予以自新著加  
恩賞給遊擊銜

上又諭內閣曰蘇州無錫官軍攻克賊營多座連獲  
大勝勦辦尙爲奮勉仍著李鴻章督飭諸軍乘勝

進規無錫速拔蘇城將各處踞逆悉數殲除以靖  
地方

欽定勦平粵匪方略卷三百五十六 癸亥年

十月二十一日 甲午 惲世臨奏言髮逆李幅猷一

股前隊竄至粵境後隊尙踞綏甯地界經各營  
跟蹤搜勦斃賊多名賊遂全股入粵歷龍勝全  
州灌陽而東屢窺城步新甯等縣邊隘經臣豫  
飭地方官集團扼要布置派防各營亦俱趕到  
賊未得逞遂欲竄犯道州九月初十日徑撲州



屬蔣家嶺臣所調陳士杰四營先期趕至道州  
與知縣顏月洲設伏洞尾地方誘賊深入該逆  
大股衝突見我軍屹立不動卽退踞徐家鋪各  
營挑派勇丁夜往潛擊賊驚惶失措殺斃二百  
餘名十一日李幅猷親率悍黨萬餘列隊隔河  
高峯顏月洲派千總雷宗璇守備李仁黨等分  
路截殺顏月洲督勇策應我師勇氣百倍縱橫

盪決賊始敗退上山適總兵王永章所派副將  
唐敏慎等及道州兵練馳至賊衆氣奪紛紛乞  
降李逆與死黨萬餘向江華竄去十二日顏月  
洲等派隊跟追賊越嶺狂奔賊目何灝誠等將  
僞職何瞬明等縛獻軍前計兩日共斃賊一千  
餘人招撫及救出難民四千餘人分別留遣王  
永章行抵道州調集所部兼程繞出賊前十三

日遇賊於江華羅坪迎戰勝之據擒賊供稱李  
逆誓欲竄越嶺東以遂其入江之計十五日王  
永章探知賊竄粵西富川縣屬之古城當派遊  
擊王德益等分路進擊參將彭芝亮等策應自  
率親兵督陣行約三里賊山隊迎拒我軍俟賊  
撲近用槍礮轟擊斃先鋒賊二十餘名村內之  
賊齊出抗拒彭芝亮躍馬突陣斃賊十數名副

將唐敏慎等三路環攻賊匪死傷枕藉退入村寨官軍乘勝追殺十餘里攻復大小村莊八九處賊翻山逃遁旋向富賀兩縣竄逸查富賀各境與湖南廣東相距均不過二三百里該逆在楚屢創現有陳士杰王永章等軍分駐各邊足遏回竄惟粵東之兵萃於肇慶高州深慮此股乘虛直入福建臬司張運蘭六營副將楊虎臣

六營原係兩廣督臣毛鴻賓奏調赴粵之師臣  
已飭由宜章橫出連山扼賊東趨卽以保全粵  
東腹地仍與楚邊各軍聯絡期將李幅猷一股  
悉數殄除當髮逆由龍勝竄往全州時其後隊  
數千仍留龍勝以圖牽掣官軍而黎平匪徒又  
復潛相勾結遂渡陡江犯通道縣屬牙屯堡進  
至風箱爲團勇所扼折竄靖屬之陪坡復從陪

坡退竄桂陽旋往黎平府所屬洪州地面滋擾  
現飭周洪印戈鑑黃元齡分守沅靖各隘探明  
賊蹤所向相機堵剿此次防剿出力營弁官紳  
可否由臣擇尤保獎出自

天恩陣亡擬保守備朱家福應請

飭部照守備例議卹奏入

上命議政王軍機大臣傳諭毛鴻賓惲世臨郭嵩燾

張凱嵩曰髮逆竄入富賀界內與廣東相距不過  
二三百里現在該省兵力萃於肇慶高州若此股  
乘虛直入廣東腹地深屬可虞惲世臨現飭臬司  
張運蘭等軍由宜章橫出連山扼賊東趨之路卽  
著毛鴻賓郭嵩燾督飭張運蘭等實力扼截與楚  
邊各軍聯絡實力剿洗杜其竄入江西之路並著  
惲世臨嚴飭陳士杰王永章等軍力遏回竄毋稍

疏虞李逆屢敗之後兇燄漸衰著張凱嵩速派得力將弁迎頭截剿期與黔楚各軍三面兜圍迅圖蕝事不得稍有遲誤此次湖南防剿出力各營暨地方官紳著准由惲世臨擇尤保獎陣亡之擬保守備朱家福著交部照守備例議卹

二十三日  
丙申張凱嵩奏旨李幅猷擁衆由楚竄

粵闌入龍勝廳境旋被兵練截擊分爲二股一



繞北路竄山湖南道州一由西路逃往茶溪水  
團一帶其北竄道州一股復爲楚軍擊敗遁走  
永明臣以粵西富川等縣與楚省毗連當檄平  
樂文武集練巡防該匪復由永明江華縣界潛  
竄入粵九月十四日賊至富川縣屬之麥嶺橋  
經署知縣楊徵詩等擊退賊匪屯紮古城十五  
日楊徵詩等與總兵王永章率勇合力追擊殲

賊無算該匪越嶺奔逃又經團總李紹仁等設  
伏截殺斃匪二三百名生擒十六名正法當賊  
竄古城時勢將直趨平樂窺伺潯梧知府方炳  
奎署副將陳培桂派軍扼截該匪乃折而東竄  
距賀縣城僅四十里知縣葉宜穀與護都司甘  
廣春商派軍功黃科捷等帶勇截擊斃匪多名  
匪卽退竄黃科捷等集團跟追及之於灰洞該

逆回旗拒鬪黃科捷揮衆衝擊手刃騎賊一名  
殺斃餘匪甚多外委胡紀廣帶團合擊殲匪五  
百餘名生擒賊目二十五名敗匪竄山山口黃  
科捷等追至石牛渡該匪已由小路竄往廣東  
開建縣界臣現飭平樂文武確探嚴防並飛咨  
東省派兵堵擊其西竄茶溪水國一股疊爲懷  
遠鄉團所挫復由通道縣境竄往貴州黎平府

境現在逆蹤倏黔倏楚轉竄靡常距粵西邊界  
均不甚遠貴州黎平路通都勻與粵西慶遠府  
屬連壤恐該匪假道慶遠疾趨潯州南甯臣已  
嚴飭該管文武布置防堵至副將黃仲慶及遊  
擊孔憲隆等軍均抵懷遠知府鳳貴復集團扼  
堵臣現檄各該文武認真追躡約會黔楚兵練  
三面圍剿如該匪由黎平竄走都勻立即拔隊

馳赴慶遠以固西路邊防仍咨會代辦提督蕭榮芳察看柳慶兩屬緩急情形隨時調度奏入上命議政王軍機大臣傳諭毛鴻賓勞崇光張亮基惲世臨郭嵩燾張凱嵩曰李幅猷本係石逆黨中悍賊石逆被殲後率其餘黨分投竄擾倏黔倏楚轉徙靡常並擾及粵東西各邊界若令所至蔓延日久臨張勦辦更爲費手必須楚黔粵三省官軍

會合兇勦就地殲除著勞崇光張亮基惲世臨毛  
鴻賓張凱嵩等嚴飭各該省帶兵文武互相聯絡  
探明賊蹤前截後追務令該匪不得喘息此等紛  
竄之賊尤須鄉團四面設防俾賊無所擄掠官軍  
得以會合擊勦乃足制其死命並著各該督撫飭  
各地方官認真辦理其由賀縣竄至開建之賊著  
毛鴻賓等督飭兩粵各軍乘勢殲除毋令滋蔓

二十四日酉丁李鴻章奏言程學啟戈登等軍自

攻克蠡口黃埭後卽飭由澣關一帶抄襲十月  
初九日戈登督帶常勝軍並礮隊輪船前進程  
學啟派陳有昇等營分爲兩翼自督陳忠德等  
由中路進攻復派巡湖營水師由大河直逼黃  
翼升督成俞卿等水師三營均分路由黃埭繞  
進澣關該逆連營數十座俱以悍賊踞守抗拒

程學啟派張行科等分攻左右賊營戈登督槍  
隊兩面環攻黃翼升督水師連環開礮酣戰三  
時戈登帶隊奮勇直撲立將王瓜涇口賊營六  
座攻克程學啟督軍將觀音廟賊營四座攻克  
各軍直抵關口該逆仍復死拒程學啟戈登派  
令各軍施放洋槍火箭轟斃悍賊無數遂將許  
關賊營五座全行攻破戈登督兵駐守程學啟



卽會同克根本督帶輪船進逼十里亭賊營張  
行科等踰濠攻入先克左首賊營其餘四營之  
賊亦卽敗遁虎邱賊營相繼潰走沿途賊卡十  
數處一律埽平擒斬悍逆無數追至閶門街口  
該逆自相踐踏沿途賊屍枕藉程學啟等分派  
水陸各營擇要扼紮臣查潯關道通無錫援賊  
恃有此路得與城賊策應此次程學啟等妥速

進剿分兵置守蘇城陸路盡斷城賊已孤忠侍  
各援逆當亦氣奪十二日忠逆分股由無錫回  
援復經程學啟等擊退李朝斌等水陸各軍是  
日由五龍橋進攻盤門又破賊營六座臣擬親  
赴城外察看督飭圍攻

李鴻章又奏言本年恭奉

恩綸蘇松常鎮太四府一州分別減定漕糧江南重

賦之區從此得蘇喘息永被

皇仁億萬生民同深感戴茲據蘇屬各紳士呈稱現  
在收復地方各業戶額收租息願以三分之一  
報捐軍餉另提善後撫恤經費豫備克復蘇州  
之用懇請派員設局勸辦等情臣查該紳士等  
所請報捐軍餉豫籌善後經費出於真誠所有  
新復各州縣地方既未能一律徵漕自應遴派

妥員會同紳董察看情形分別籌辦俟將來辦有成數倣照上海現辦捐例由臣覈實彙案奏獎奏入

上命議政王軍機大臣傳諭都興阿李鴻章馮子材魁玉曰此次程學啟等督軍攻克潯關蘇城陸路盡斷賊勢已孤李朝斌等復由五龍橋偪攻盤門踏平賊壘六座李鴻章親赴調度擬卽分門進攻

是蘇城大有克復之機覽奏深慰塵念惟現在忠  
侍各股尙踞無錫雖許關旣克勢難回援而城賊  
旣窮難保該逆不拌死回救以顧巢穴著李鴻章  
一面飭令李鶴章等攔頭截擊以圖牽制一面督  
同程學啟等軍分攻各門使該逆兩不相顧以期  
各城迅復早奏清公仍須穩慎將事謀出萬全不  
可稍有疏失蘇城陸路旣斷恐該逆渡江北竄或

擾及鎮防都興阿馮子材魁玉務各飭令水陸防  
師嚴密布置如敗匪紛竄卽行迎頭截擊力圖聚  
殲毋任挺走蘇郡各屬紳民呈稱收復地方各業  
戶願於應收租息內以三分之一報捐軍餉又另  
提善後撫恤經費豫備克復蘇城之用具見悃忱  
惟地方新復民困甫蘇李鴻章惟當飭令所派委  
員會同該紳董體察民生困苦情形分別籌辦不

得稍有抑勒以順輿情

二十七日

庚子

馮子材魁玉奏言南岸軍事自金

陵官兵紮過孝陵衛屢戰屢捷乘勝攻克秣陵等處關隘南路長圍漸合並探知提臣鮑超從東壩溧水轉戰而前賊勢危蹙蘇常各逆首悉索死黨號稱六七萬盡銳下援分屯句容丹陽境內以洪逆僞令死守句容而丹陽一城屏蔽

蘇常賊守尤力近城一帶賊卡林立查鎮防密  
邇丹陽當此上游埽蕩羣兇震懾之時正宜乘  
勢整軍用資犄角擬派馬步各隊先將沿途賊  
壘設法翦除仍伺賊蹤所向分兵進紮新豐方  
不至腹背受敵鎮江內外各營合之丹徒屯駐  
兵勇共止一萬二千餘名除留守城垣分防營  
隘僅能抽撥五六千人而援賊分屯丹句者尙



以數萬計彼衆我寡尤當謀山萬全刻下金陵  
圍合東壩諸軍復建瓴而下因利乘便正在此  
時現已選備勁旅六千以總兵田宗揚張文德  
將之配齊軍火攜帶糧餉聽候進紮另派遊兵  
三千爲後路接應其餘將弁兵勇扼守城垣暨  
雲臺寶蓋諸壘俟鮑超一軍由溧水進攻句容  
卽飭田宗揚等由新豐進規丹陽聯絡上游聲

勢兩面夾擊奏八

上命議政王軍機大臣傳諭馮子材魁玉曰金陵賊  
勢窮蹙蘇常各逆首悉索死黨數萬盡銳下援分  
屯句容丹陽境內以洪逆僞令併力死守鎮防近  
接丹陽當上游埽蕩羣兇之時自應力振軍威用  
資犄角惟鎮防兵力未厚我兵舉動尤當謀出萬  
全著卽督飭派出之總兵田宗揚等將挑備各營

勁旅簡齊軍實秣馬厲兵聽候進止先將沿途賊壘設法翦除分兵進紮新豐其餘各營扼守鎮城及雲臺寶蓋諸山不得稍涉疏虞一俟鮑超之軍由溧水進攻句容卽令田宗揚等各營由新豐潦營前進規取丹陽聯絡聲勢以收夾擊之效鎮防距賊密邇尤須防賊挺走並著馮子材等懷遵疊次諭旨與都興阿南北兩岸嚴行備禦仍隨時稟

商曾國藩通籌戰守以赴事機

三十日癸卯李鴻章奏言本月初二日侍逆率黨

由撲鴨城橋經李鶴章飭郭松林張樹聲周盛  
波等分路進攻將賊擊退追至坊前賊營忠逆  
復由茅塘橋率數萬人來撲周盛波張樹聲分  
軍禦之鏖戰良久郭松林攻破坊前一營周盛  
波擊退西路奪東亭土卡一座張樹聲擊退東

路奪茅塘石卡賊股數千又由梅村繞山搶阻  
浮橋適譚正武等及郭松林馬隊至橋猛衝槍  
隊奮力排擊賊乃大敗周盛波等五營已先紮  
隆興橋鴨城橋兩處李鶴章又調張樹聲等營  
分紮中安太平西安橋芙蓉山等處並飭郭松  
林周盛波張樹聲等次第滾紮劉銘傳亦率銘  
字六營至鴨城橋會剿初十日劉銘傳郭松林

分營誘敵忠逆突由東路排列大隊抗拒張樹  
珊督軍猛擊符信等從旁抄入該逆大亂追至  
西倉我軍槍礮齊發踏毀賊營二十餘座追至  
茅塘橋十一日李鶴章劉銘傳復調各軍由西  
合攻錫城出援賊數萬分股攻我雁臺石卡當  
飭李正珮等分隊往堵並派周盛波兩營隔河  
抵敵余思樞劉啟福兩營由後截之正相持閒

賊忽由新塘街一帶分路來撲我軍左右迎擊  
賊始敗回適程學啟等已克潯關滕嗣武等約  
於十二日水陸會攻連毀賊營四座斬擒無數  
是日侍逆仍添調護逆等股由常來援城中潮  
逆亦出大隊相助自東南門屯紮至新塘街縱  
橫十餘里李鶴章劉銘傳商令張樹聲等各營  
先向侍逆土城後路進紮郭松林等伏軍於土

城河邊王東華率礮船會同各營擊退侍逆潮  
逆等亦被我軍擊敗斃賊千餘名十三日劉銘  
傳等乘夜三面環攻暗繞賊後燒其更樓十餘  
座攻賊前營悉殲其衆餘賊棄壘逃走我軍節  
節跟追侍逆扼踞浮橋我軍憑河開槍轟擊童  
邦喜等適由新塘追剿又抄其後賊乃狂奔追  
近南門始各收隊李鶴章先調符信余思樞等



營徑攻茅塘賊壘由西倉分路抄入該逆初未  
及防我軍乘勢蹙之擒斬甚衆追至虞塘而還  
計忠侍兩逆大股連營數十里一律毀盡連日  
擒斬轟斃溺斃賊匪踰萬踏毀大小賊壘百餘  
座訊據擒賊供稱護逆遁回常州侍逆遁回宜  
興溧陽忠逆暫退蘇州北望亭一帶仍欲繞由  
許關背後靈巖山木瀆小路援應蘇州等語臣

查官軍分攻蘇錫以來城賊勢漸窮蹙忠侍各  
悍會糾率大股回救擾我後路冀解蘇圍經劉  
銘傳郭松林張樹聲周盛波等滾營偪紮晝夜  
苦戰得以大挫其鋒臣現督飭水陸各軍設法  
攻蘇並飭李鶴章劉銘傳等乘勢進紮併圖無  
錫如一處得手則兩城次第可下惟將士過勞  
窮寇死守仍須於奮勇中力求穩慎以策萬全

奏八

上命議政王軍機大臣傳諭李鴻章曰忠侍各悍會  
糾率大股併力回援冀優蘇軍後路經劉銘傳等  
滾營偪紮晝夜苦戰大挫其鋒實屬奮勇出力惟  
將士摧堅陷陣攻勦過勞而窮寇負隅死守且訊  
據賊供忠逆暫退蘇州北望亭一帶仍欲繞由滄  
關背後靈巖山木瀆小路援應蘇州是賊黨雖敗

而援蘇之路未斷李鴻章亟宜乘此兵威大振之時督飭水陸各軍併力攻克蘇城並飭李鶴章劉銘傳等乘勝進紮圍攻無錫使賊首尾不能相顧則一處得手其餘自成破竹之勢現在聲威正盛尤當謀出萬全李鴻章仍須督率各軍於奮勇之中力求穩慎迅奏膚公同膺懋賞實有厚望焉

同日沈葆楨奏言石逆餘黨李幅猷一股前竄

湘境經護撫臣孫長紱調護贛南鎮總兵普承忠帶兵千人由撫州回顧吉安又調道員席寶田精毅營四千人由青陽回顧贛州普承忠現已到防席寶田軍遠在皖江尙無拔營消息准曾國藩咨稱石太各軍以病勇過多籲求休息江忠義席寶田因病請假是精毅營能否西顧尙未可知探聞李逆前隊已入粵西之富川難

保不被擊橫竄刻下皖逆古隆賢投誠石太旌  
德以次收復浙師亦克昌化東路較鬆臣飛檄  
饒防之韓進春一軍五千餘人馳歸贛州該逆  
如由桂陽上竄則南安當其衝如由桂東下竄  
則吉安當其衝贛州居中均可相機迎擊至皖  
南受降就緒江忠義席寶田可以次而西先於  
鎮撫分紮以便相機調遣再湖南之鄰縣與江

西之永甯等縣有齋匪餘孽聞風思逞業經檄  
調道員蔡應嵩由粵東折回南贛督辦防堵團  
練事宜俾迎剿之軍不爲賊所牽掣臣惟有振  
刷精神隨時酌度以民力補兵數之闕以吏治  
爲軍政之根竭盡愚誠期副

高厚生成於萬一奏入

上命議政王軍機大臣傳諭沈葆楨曰石逆餘黨李

幅猷一股近據惲世臨張凱嵩先後馳奏該逆被  
擊回竄黔粵境內江省西南防務稍鬆惟該逆奔  
竄靡定且永甯等縣有齋匪餘孽乘機思逞不可  
無得力兵勇扼要駐紮以備不虞沈葆楨現因席  
寶田江忠義兩軍請假休息已檄調普承忠帶兵  
千人回顧吉安並饒防之韓進春一軍五千餘人  
馳回贛州相機迎擊著卽嚴飭該護鎮等速將齋



匪餘黨搜捕淨盡仍隨時確探李逆蹤跡如再由  
楚粵東竄卽激勵軍士協同地方團練併力兜剿  
俾完善之區該匪無從闖入方爲妥善該撫所稱  
以民力補兵數之闕以吏治爲軍政之根等語洵  
能洞中窾要著卽振刷精神力圖整頓務令治效  
蒸蒸日上方爲不負委任